



## HRILENG BUAINA HLAWKPUI TUMNA

# COVID-19 HRILENG BUAINA MISUALTEN REMCHANGA AN HMAN THEIHDAN




## Eng thil te chuan nge سوالنا ah nghawng nei?

Covid-19 hrileng darh zel tur dan nan Sorkar in invenna kawng hrang hrang - inkhunghran (quarantine), zinvahna khuahkhirh (travel restrictions) leh pawncchuah khapna (lockdown) etc. te hmun hrang hrangah hman mek a ni. Heng hmalakna te hian awmze nei takin misualte hmalakna kawngah nghawng a nei ve thung. Chung thil thlen tirtu (factor) te chu:



# INBUMNA





- ⇒ Mi bumhmang ten rang tak in inbumna kawng hrang hrang te hmang in mimal, sumdawna lian leh vantlang pawl te an lo tin zawn ve vat thin.
- ⇒ Telephone kaltlanga inbumna, dawr lem (*fake shops*) hmanga thilzawrhna (supply scams) and chenna in corona-virus laka tifai theia inchhala inbumna (decontamination scams) te a hluar thar.
- ⇒ Sum peipunna lama inbumna (investment scams), hlawkna tam tak awmtur anga inbumna te a hluar thar bawk.
- ⇒ Heng mi bumhmangte hian hrileng buaina a awm chhung chu mi tamzawk bum tumin an bitum zel ang a, inbumna kawng (scemes) thar hrang hrang pawh a lo chhuah belh zel rin a ni.

# BUNGRUA LEM LEH CHHEZAWK A TAM




- ⇒ Damdawi leh invenna hmanraw lem (fake products) hrang hrang- surgical mask, hand sanitizer, damdawi, vaccine, etc. zuar khawvel hmun hrang hrangah a hluar hle.
- ⇒ Coronavirus test-na hmanrua (testing kits) lem thlengin zawrh leh hralh hriattur a awm.
- ⇒ Khawvel hmun tamtak ah thuneituten hetiang bungraw lem leh quality chhe zawk inbum nana manto tak tak a zawrh leh hralhchhawn tur a chhekkhawm sa - kutkawr, hmaikawr, thil tihfaina hmanrua, malaria damdwi (chloroquine), nachhawkna, antibiotics damdawi, Vitamin C etc. an man khawm mek a ni.
- ⇒ Hetiang thil lem zawrh hi abik in internet lamah hluar zel tura rin a ni.

# INRAWKNA



- ⇒ Hripui leng remchanga hmanga rukruk hun thaah misual ten an hmang mek.
- ⇒ ‘Grandchild/nephew trick’ an tih mai, misual rual ten kum lama upa tawh, bum awl deuh tura an hriat te phone-a an bitum a, an tupa emaw an chhung hnai hun harsa tawk mek nia insawi in, pawisa tam tham tak inpek tira an bum thin ang te a hluar thar hle bawk.
- ⇒ Misual rual ten thuneitute aiawh anga insawiin sumdawnna lian hmun leh damdawi hmunpui te rawk turin an bitum thin. Dan kengkawhtu emaw damdawi lam thiam nia inchhalin thil pawimawh titur anga mimal inah te lutin, inrawkna remchangah an hmang mek bawk.
- ⇒ Misual inzawmkhawm pawl ten a huho a mirawk an tumna hi hluar zel tura ngaih a niin a boruak dinhmun ang zel in misual-te pawh an insiamrem ve zel a ni.
- ⇒ Covid-19 hrileng avanga ram tinin an border te an ven uluk tak vek avangin, ramri kana sorkar phalloh sumdawnna bungraw tawlhurutute (smugglers) pawh in kawng dang an dap ve zel in ramri vengtu force te pawh inralrin leh zual a ngai hle.

# CYBERCRIME



- ⇒ Covid-19 hrileng vanga mipuiten thuthar hriat zung zung an mamawhna leh bungrua mamawhna te Cyber criminals ten remchangah an lo la vat thin.
- ⇒ Internet hmanga inbeihna (attacks) hrang hrang - virus leh malware hrang hrang thehdarh leh emails *hack* etc. remchangah an hmang mek a ni.
- ⇒ Naupangte pawh inlama inkhung tam avang in Internet an khawih tam a, hei hian naupang chungah hleilenna hmanrua (child abuse material) internet lamah a ti hluar thar bawk.
- ⇒ Dan phalloha internet-a insumdawntawanna Darkweb te pawh nghawng tel in Sorkar phalloh bungrua thenkhat a to thar a, bungraw lem (scam material) te tlawm tak in an zuar thung.
- ⇒ Europe-ah Covid-19 hrileng hluar lai in Cyber criminals te chuan Brno University Hospital, Brno, Czech Republic chu ni 12 March 2020 a rampum emergency puan anih remchanga la in Hospital IT network an bei a. He beihna vang hian inzai (operation) pawimawh leh hmanhmawh thlak tak tak te pawh lohtheihloha sawn ngaiin damlo na zual thenkhat phei chu hospital danga sawn te an ngai hial a ni. Hospital IT network pumpui khar angaih phahin hetiang hripui len laia cyber attack te hi mihring nunna thleng in a tuar phah a ni.

# RANSOMWARE



- ⇒ Khawvel hmun hrang hrangah Cyber criminals te hmanrua hlauhawm tak pakhat *Ransomware* hmanga Hospital leh tihdamna thawktute hrileng vanga an buai nasat lai bituma beihna a hluar hle. Tlanchhuahna sum (ransom) an pek hma chuan an IT infrastructure/network, hmanrua leh file pawimawh te khawih theilo in an siam thin a ni.
- ⇒ Ransonware beihna kawng ber chu *E-mail* kaltlangin a ni a, sorkar atanga coronavirus chungchang thurawn/thu pawimawh ni awm tak *Emails* te ringhlel miahlo a an lo hawn thin atangte in a ni ber.
- ⇒ Invendan:
  - ◆ Email leh software/apps reng reng *Source* hriatchian ami chauh hawn tur.
  - ◆ Emails chhunga dawn inbeisei miahloh leh rinhlelhawm links/attachments reng reng *click* loh tur.
  - ◆ Files pawimawh te hmungdang (cloud/external drive) ah te dahthat (*backup*) thin tur.
  - ◆ Anti-virus software thar ber ber hman tur.
  - ◆ Passwords naran nilo, dangdai leh chak tak hman thin tur. A khat tawka passwords pawh thlak thin a tha.

Covid-19 hrileng buaina kan tawh mek hi thil danglam leh la thleng zen zen lo a niin invenna kawng hrang hrang - inkhunghan (quarantine), zinvahna khuahkhirh (travel restrictions) leh pawnhhuah khapna (lockdown) etc. te hmun hrang hrangah hmalak mek a ni a.

Dan kengkawhtute chu khawng taka an hna te thawk tura beisei an nih lai hian misualte pawh hrileng vanga buaina te remchanga lain chet dantur kawng hrang hrang an lo dap ve thuai thin a ni.

Chuvangin dan kengkawhtute pawh heng misualte chetdan thar te beilet tura kan inthumthata englai pawh a inralring taka kan awm reng a pawimawh hle a ni.

---

**ISSUED BY MIZORAM POLICE MEDIA CELL  
POLICE HEADQUARTERS (PHQ), AIZAWL**



Mizoram Police



mizorampolice



mizorampolice



Mizoram Police